

- 55 Nocte dieque capit, sed nil cepisse videtur,
Materies eius spatii tam grandis habetur:
Plura capit, sed magna nimis, nequit illa repleri.
Mille tamen possunt homines hiis morte teneri,
Nam maioris habent hec semper onus gravitatis,
60 Quam valeat sermo cuiuslibet edere vatis.
Hiis homo cecatur, qui nescit luce potiri,
Que nitido valet in thalamo mentis reperiri.
Hiis homo tam duris enervatur violenter,
Nec valet ad celi patriam remeare potenter.
65 Hiis indutus homo non fert vestes preciosas
Ad mense Christi sedes penitus speciosas.
Vestem virtutum portabit quisque beatus,
Mantica vero feret pro tali veste reatus.
Quam nisi dilaceret pia gratia spiritualis,
70 Huius lator erit necis in pena furialis.
Quis vero morietur homo pro pondere tali?
Nonne miser, qui putridus est luxu generali?
Maius peccatum gerit etas luxuriosa,
Quam precio questus etas saltando iocosa,
75 Sed quis vivit homo me deterius viciosus,
Et quis vivit inops ut ego, tam deliciosus?
Munera fortune retinere frequenter amavi,
Que licet aufugerent me, pauperiem reprobari.
Ad populi semper volui properare favorem,
80 Despiciens mentis titulos ob mentis amorem.
Semper mansuram pro refugi¹ peritura,
Nam placuit presens michi, numquam vita futura.
Heu dare quod poteram miseris prebere negabam,
Qui michi sepe dari preciosum munus amabam.
85 Hoc non cernebam: Vobis dabitur, date gratis.
Heu nec adhuc cerno, datus actibus improbitatis.
Trador adhuc vane falseque superfluitati,
Trador adhuc nimium lascive mobilitati.
Trador adhuc fame muliebri, trador amori,
90 Sed non legitimo coniungor in orbe calori.
Nam bona dos aliquam michi nondum iunxit amicam,
Quam vix aut numquam potui reperire pudicam.
Non sinit ad rectum nova me remeare iuventus,
Quam movet instabilis volitans per viscera ventus.
95 Tali thesauro tam vili tamque peroso
Mantica construitur, michi que gravis est odioso.
Ista meo collo religatur tam violenter,
Quod trahit infeste me mortis ad ima potenter.
Vires et mentem michi sarcina detrahit ista,

1) 'refugio' Rem. (scil. 'ref. pro peritura').